



Bentiarq Ottosen
Atassut

UKA 2023/33
05. oktober 2023

Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalimmiunilu naalackersuisunut kaammattuutigaa pinngortitamik tunngavilimmik takornarniartitsisarnermut nunani avannarlerni killerni nunat periusissiat aaqqissuussinerillu qulaajarneqarlutillu sanilliunneqarnrannik ingerlataqaqqullugit, tassunga ilanngullugit nunani pineqartuni takornarniartitsisarnerup annertusiartorneranut atatillugu pinngortitamik atuisinnaaneq illersuinerlu, suliassaqarfimmi suleriaatsit pitsaanerpaat suussusersineqarnissaat paasiniarlugu.

(Aallartitat siulittaasuat Doris J. Jensen)

Siullermeerneqarnera

Atassummiit pingaartissimavarput nunat avannarliit killiit suleqatigiuartakkagut suleqatigeqqinnissai, tamatuminnгалu takornariartitsisarneq pillugu periusissiat aaqqissuussinerillu qulaajarneqarnissaat anguniarlugu siunnerfinnik annertuunik avitseqatiginissai peqataaffiguarnissaat.

Takornariartarnerup pitsaassutsiminiit pitsaanerulersikkumallugu suleriuseqarnissaq pingaaruteqartorujussuuvoq, takornarissat nunarsuarmioqatigiinnermi Kalaallit Nunaata avatangiisaa allarluinnaq takornariarusullugu Nunatsinnukartartut. Tamakkua atorluartariaqarigut isumaqarpunga, aamma immitsinnut aallaavigaluta takornarissanik sullissinissarput pingaaruteqaqaaq. Taamatullu aamma namminersorlutik oqartussat suliffeqarfiutaasa namminersortunut takornarialerisunut unammillinninnissaat siunnerfigisariaqarparput, taakkumi isiginnaaginnartussaangillat, taakkuupput sumiiffimmi ilisimasallit tunniussisinnaasullu pisortat suliffeqarfiutaaniit annermik.

Pinngortitaq avatangiisillu sapinngisatsinnik illersortuartussaavagut, taamaasiornitsinni qularnaartussaagatsigu pinngortitaq avatangiiserlu sunnerneqarsimanngitsoq. Assersuut, unesco-mi nunarsuarmioqatigiit kingornusassattut nalunaarsorneqarnera ilaat eqqaaginnarsinnaavagut. Nunatsinni najugaqartuusut akileraartarput atortutigut iluarsartuussinermi, naak takornariaqarfiusumi takornarissat sequtsigaanni. Tamakkua ila qulaajarneqartariaqartut isumaqarpugut, taamaasiornitsinni atuinermi akiliutit takornarissanut tutsikkutsigit nunatsinni najugaqartuusut akileraarutaasa apparsaavigineqarsinnaaneranut siunnerfiit aallartissinnaagaluarpagut.

Atassummiit una siunnersuut taperserparput, innersuullugulu taperserneqarnissaanut.